

Lozcwng Cunh:

Aen Mbanj Moq Minghvuengh Rengzhoengh Ndeu

罗政村——一个充满生机与活力的新农村

□ Anh Conzgen

Aen gunghyenz ndaw mbanj caemh yinxvunz.

Gizneix dwg diegbya gyaundeiz mwnkup hoenghvuengh saekheu gyuemlongz ndeu, gizneix dwg aen ranzmbanj huzndei ndaej haenh dwg “bya heu raemx saw swnghdai gyaue” ndeu, gizneix yienzxaeuz diuzroen gaebged, hoeng gyoengq lwnyez ndaej seizbient buet bae buet dauq, mbouj yungh lauhei q deng gij ci gwnz roen bonghret baedauq haenx daemjdeng, gizneix mbouj miz aenlaeuz sangvidvid, hoeng miz doenghreh doenghnaz gvangqyubub haenx, gizneix mbouj miz heiqhaeu mokfaenx, ndaej caenhcingz diem-heiq……

Gizneix couhdwg Lozcwng Cunh Minzloz Cin Bwzliuz Si, diegyouq baihoengbaek Minzloz Cin, raeb-laeng ing Byadayungzsan, liz hawsingz Bwzliuz Si 12 goengleix gyaue, gyaudoeng bienhleih, vanzging gyaundeiz, daejrom vwnzva lizsij nanwt, dwg aen mbanj guhyienh swnghdai nungzyez lijyouz daengx guek, aen mbanj vwnzmingz daengx guek, aen mbanj daegsaek swnghdai nungzyez Guengsae gyawjgyae ok-mingz ndeu. Daengx cunh gungh miz 12 aen cunhminz siujcuj 586 ranz 2900 lai vunz; miz 2014 moux ndoengfaex caeuq 3320 moux reihnaz, ndaem miz maknganx, mak-laehcei, makit, dingomak, byaekheu fouz goenghaih, haeuxnaz, raetmoguh doenghgij nungz fu canjbinj neix. Doengh bi neix daeuj, hopheux hwngfat canjnieb maenhndei daeg-saek caeuq gajndeiz vunzmbanj diuzgienh gwnyouq, aen cunh neix ciuq gij iugouz hwnjguh ranzmbanj vwnzva swnghdai, fatdoengh vunz-

mbanj youq gyanghough ranz bonj-faenh vatcaep cauqgiciz, ranzdajcawj seuq rongh, diengzhaex seuqcingh, cekgaeq rienghmou, ndaem gomak gova, aeu suijniz bubingz, hawj gyanghough seuqset loegheu, baenz le suenmak iq, daemzbya iq, ciengz-ciengxmou iq, suenbaek iq, vanzging diegyouq ndaej gajndeiz haujlai.

Doengh bi neix daeuj, Lozcwng Cunh aeu hwnjguh aen mbanj swnghdai lijyouz, yiengh mbanj gaj guh caeuq cauxguh nungzyez daegsaek guh cawjdaez, caezsim ok rengz, ranzranz ndaem faexheu, ranzranz banh suenmak, daengx cunh loegvaq menciz dabdaengz 2850 lai moux, ndoengfaex hoemqew daengz 68% doxhwnj, loegvaqlwd daengz 98% doxhwnj, saedyienh le “aen mbanj aen ndoengloeg”, “diuz roen-mbanj ndeu baenz diuz luengqhongh saekloeg ndeu”, daengx cunh diegbya diegbo ndaem gofaex gomak dohcup, gij roenmbanj gungh raez 6 goengleix haenx ndaem vamoizsamgak, gomoizhenj, gorungzmbawsaeq, gova-gveiq, gova nding gij doenghgo yawjngonz caeuq gofaex dijngaenz haenx, henz roen, henz daemz, henz mbanj, henz ranz cienzbouh saedyienh loegvaq, baenz aen gingi lwenqda ndeu.

Lozcwng Cunh conzdungi ndawbiengz vwnzva yisuz lai cungj lai yiengh, vih vunzmbanj caeuq hekyouz daezhawj gak cungj gak yiengh yienjheiq guh’ angq hozdung. Ndaew cunh laeb miz aendoih fouxlungz fouxsaeceij, aendoih yangghoh, aendoih dienzcik, aendoih Heiq-begvah, aendoih lanzgiuz bouxsai

bouxmbwk doenghgij doih vwnzdij neix, ciengzseiz guh gij vwnzdij hozdung miz daegsaek lajmbanj, lai cungj lai yiengh haenx; doengzseiz guh miz vwnzva gvangjcangz, giuzcangz ronghdaeng, ranzaw gohgi bouxcoz, luengqhongh raez hotsei mbawveh doengh gijneix, hawj saedceij seiz hongsoeng vunzmbanj engq lai cungj lai yiengh.

Lozcwng Cunh miz gij gwzming conzdungi najrongh caeuq vwnzva lizsij nanwt de, guh saeknding lijyouz caemh hoenghwd. Bei Giujniengz dwg Bwzliuz Ciuhsung satbyai Ciuhyenz codaeuz boux yinghyungz dingjhoenx caeggeq ndeu, aen cunh neix bi 2007 doenggvaq lai roenloh couzcomz cienzgaenz guhbaenz le “Beiswng vwnzva gvangjcangz”, daengj hwnj le “siengqdeu Bei Giujniengz”, doengzseiz banh le gaj daih’ it “Beiswng vwnzva lijyouzceiz”, riengz-laeng moix bi liggaueq ndwenbet cibbet cungj banh baez ciet ndeu, yinx gyoengq vunzmbanj henzgyawj bae camgya caeqbaiq, hekyouz ndaw gih rog gih doxcaeh bae yawjngonz, nauhyied raixcaix.

Benq saekloeg ndeu, hawj vunzmbanj ndaej gvaq gij saedceij fouqmiz cwxcaih haenx, nungz-gyahloz, swnghdai lijyouz, bin bya cet doenghnaz…… Vanzging gyaundeiz lo, suenmak fungsou lo, hekyouz caemh buek dem buek doxcaeh haeuj mbanj, bae gamjsouh gij vwnzva fungsug ndawbiengz de, yawjngonz gij gingjsaek gyaundeiz de, cimz gwn gij byaek feih lajmbanj de, daejniemh gij angqyangz lajmbanj moq bienqvaq hungloet de……



▲ Gyoengq vunzmbanj ndaej-hoengh cix yienjheiq yawjheiq.



▲ Luengqhongh vwnzva ndaw mbanj.



▲ Suenmakit ndaej fungsou.



▲ Aendaemz cawqceq raemxuq ndaw mbanj.



▲ Guh faenhawq gai vunz-mbanj ndaej demsou.

► Lozcwng Cunh swnghdai nungzyez gihi.

